

ESAKI TA MI PLAN.

1. Educacion completo, ahusta y inclusivo: Completo door di inclui deporte, arte y musica como parti di e programa di scol. Ahusta: identifica e potencial di cada mucha y asina adapta e educacion na e mucha su capacidad. Inclusivo: Educacion obligatorio pa tur mucha cu of sin limitacion.
2. Sosten social adecuado pa hendenan grandi, discapacita of limita, incluyendo violencia domestico, vivienda social y esnan cu ta sufri di adiccion.
3. Eherce gobernacion cu profesionalismo, transparencia y eficiencia. Facilita y simplifica e burocracia y asina crea igualdad y transparencia den trato pa cu hende y institucionnan.
4. Crea mas oportunidad pa establece negoshi chikito y mediano door di facilita e proceso haciendo esaki mas eficiente y economico.
5. Aloca fondonan pa mas mucha tin acceso na tur tipo di deporte, arte y musica incluyendo muchanan cu capacidad limita. Tur ciudadano tin derecho di crea y disfruta di cultura.
6. Preservacion di nos medio ambiente. E forma di duna bek na nos planeta ta preserva nos medio ambiente cu incentiva pa un economia mas sostenible, plan di digitalisacion di e aparato gubernamental y cuido di nos naturalesa.



Partido di Pueblo Arubano



+297 566 6945

Sonalystrong2024@gmail.com

Sonalystrong

facebook.com/sonalystrong

SONALY S STRONG

#8

OPORTUNIDAD IGUAL



AMI TA SONALY.

Mi ta naci na Aruba riba 19 di maart 1976. Mi a lanta y crece den mi barío stima di Watertoren na Playa, pero bibando pa mas di 20 aña den e barío di Noord. Mi a bishita Sint Dominicus College, Colegio Arubano y mi a gradua di Haagse Hogeschool den Bestuurskunde Overheids Organisatie.

Mi a traha como beleidsmedewerker y assistant to the director na Kamer van Koophandel di 2002 te cu 2004. For di 2004 te cu awor mi ta labora na un banco comercial como Senior Account Manager. Mi a haci mi trabao semper cu hopi pasion y mi satisfaccion mayor ta yuda hende logra nan metanan.

Mi ta casa y ta mama di dos yiu muhe di 12 y 11 aña. Mi ta un persona hopi alegre, mi gusta baila y mi tin un pasion pa deporte. Mi ta un ciclista hopi activo, mi gusta gym y tambe core na pia.



8. Fernandez geb. Acosta, Sonaly A. F.

ESAKI TA MI MOTIVACION.

12 aña pasa nos a wordo bendiciona cu nos prome yiu muhe. E la wordo diagnostica cu e syndrome di Down. Ora cu a yega e momento cu e mester a cuminsa kleuter, ey nan mi lucha a cuminsa pasobra mi yiu no por a haña scol. E no por a bai un scol normal, pero tampoco por a bai Bibitopin. Pa varios aña largo mi a lucha pa mi yiu por a djis bai un scol.

Na 2022 porfin nos a logra conhuntamente cu otro mayornan pa e scol wordo funda y mi yiu muhe y 29 mucha mas a haña e oportunidad pa bai scol na un prijs reduci danki na contribucionnan di sector priva. E lucha aki mi a hibe djis pa mi yiu bai scol, cu ta un derecho cu tur mucha mester tin.

Sinembargo, esaki no ta cubri tur otro tipo di desaroyo cu un mucha tin derecho riba dje. Es mas, tin un yiu special of cu limitacion ta rekeri mucho mas, manera por ehempel logopedista, fysioterapista y les priva pa tur tipo di disciplina, sea ta den deporte of arte.

E lucha pa un scol pa mi yiu y otronan mescos cu ne tabata mi inspiracion pa drenta politica, pero mi motivacion ta pa trece oportunidad igual no djis na esnan cu limitacion, pero pa cada mucha na Aruba. Na mes momento tambe den un vision mas amplio pa tur ciudadano di nos isla.